

**Kingusinnerpaamik 1. januar 2017 aallarnerfigalugu ukiuni tallimani misiligummik teriannissat, tulukkat naajallu eqqisisimatinneqarunnaallarnissaat pillugu Naalakkersuisut peqquneqarnissaannik Inatsisartut aaliangiiffigisassaattut siunnersuut. Misileraanerup naareersimalernerani misileraanerup kingunerisaasa sunniutai pillugit nalilersuiffiginerat saqqummiunneqassalluni, ilaatigut eqqisisimatisinerup atorunnaavissinnaanera pillugu nalilersuisoqassalluni.**

**(Inatsisartunut ilaasortaq, Anthon Frederiksen, Partii Naleraq)**

### **Akissuteqaat**

(Aalisarnermut, Piniarnermut Nunalerinermullu Naalakkersuisoq)

### **Siullermeerneqarnera**

Inatsisartunut ilaasortaq Anthon Frederiksen, Partii Naleraq teriannissat, tulukkat naajallu ukiuni tallimani misiligummik eqqisisimatinneqarunnaallarnissaat pillugu Inatsisartut aalajangiiffigisassaattut siunnersuuteqarpoq.

Aallarniutigalugu nalunaarutigissavara timmissat pillugit nalunaarummi atuuttumi uumasut nakorsaqarnikkut ilisimatuussutsikkullu aamma ilinniartitsinkkut pissutissaqassappat kiisalu attaveqaqatigiinnikkut timmisartukkullu angallannikkut isumannaatsuutitsinissakkut pissutissaqassappat piffissat piniarfiusussat pillugit aalajangersakkaniit immikkut akuersissuteqartoqarnissaa periarfissaqarmat.

Assersuutigalugu Mittarfeqarfiit 2012-imi Nanortalimmi timmissanik ungsinissaq pisaqarnissarlu pillugit ukiuni 5-ini atuuttussamik immikkut akuersissummik tunineqarsimavoq, timmisartukkut angallanneq isumannaatsutinniarlugu. Akuersissummik tunniussisoqarnerani Nanortalimmi tulukkanik naajanillu pisaqartoqarnissaanut pullatinik atuisoqarnissaa akuerineqarpoq, matumanilu timmisartut timmissallu aporaannissaasa pinaveersaartinnissaa siunertarineqarpoq. Taamaalillunilu inuit inuunerisa peqqissusiisalu eqqarsaatiginissaat piffissami taaneqartumi eqqisisimatisiunnaarnissamut tunngavilersuutaavoq.

Naalakkersuisut timmissat pillugit nalunaarummut atuuttumut nutarterineq ingerlappaat. Nutarterinermi aalajangersakkani ilangussisoqarnissaa siunertarineqarpoq, tassani erseqqisarniarneqarpoq Mittarfeqarfiit kommunilluunniit Piniarnermut Naalakkersuisumiit akuersissummik pereernermikkut mittarfiit/heliportit, eqqaaviit eqqaavissuillu eqqaanni tulukkanik naajanillu akornusersorneqartuni mannissarniarsinnaanermut immikkut akuersissummik pisinnaalernissaat. Tamanna aqqutigalugu sumiiffiit tulukkanik akornusersorneqartut ikilsarneqarsinnaassagaluarput, soorlu eqqaavissuit imaluunniit mittarfiit/heliportit eqqaanniittut. Pinngortitaleriffimmit kaammattuutigineqarpoq naajanik akiuineq naajarujussuarmut imaluunniit naajanut anginerusunut tunngatinneqassasoq, pissutigalugu naajat mikinerumaat timmissanut allanut piviusumik qaasuttutut pissuseqarnissaannut ulorianaaateqanngimmata.

Kalaallit Nunaanni teriannissat peqqissut mianersortuupput inunnnullu qanillinaveersaartuullutik, mianersortuugaluarlutik inunnut qanoq nujuartiginerat nikerarsinnaavoq.

Teriannissat sivisuumik nerisassaqpiarsimangikkaangamik pissusilersornermikkut allangngorsinnaasarput, taamaalisoqarneranilu illoqarfiiit/nunaqarfiiit, eqqaavissuit nersutaateqarfiiilu qaninngoorsinnaasarlugit. Aalisakkat, timmissat uumasullu allat mikinerusut nerineruspaat, nersutaasivinnili savanik aamma saassussisinnaallutik, ikiliisinnaapput

toqutsisinnaallutilluunniit. Teriannissat taamaalillutik inuit pigisaannut navianartorsiortitsisinaapput.

Teriannissat perlerorermik nappaateqaleraangamik pissusilersorermikkut allanngortarput. Nappaatip sianiutit saassuttarpai, napparsimanerullu naajartornerani tamanna imatut sunniuttarpoq:

- 1) assut nikallungasарput, nukillaqqasarput (amma paralytiske form-imik taaneqartoq) imaluunniit
- 2) assut saassusseqqajaasarput (amma furiøse form-imi taaneqartoq).

Nujuartuunertik pissuseriunnaartarpaat inunnillu, uumasunik pequtinillu piviusunik piviu-suunngitsunillu saassussisarput, taamaalillutillu qanigisaminni inunnut navianartorsiortitsisinaallutik.

Teriannissat perlerorermik tunillatsissimasut uumasunik inunnilluunniit kiisinermikkut tunillaassuisinnaapput. Perlerorneq tamatigut toqussutaasarpoq, nappaallu aallartereersima-gaangat napparsimasut katsorsarneqarsinnaaneq ajorlutik. Akiuussutissat atorlugit pinaveer-saartsisoqarsinnaavoq.

Piffissami taaneqartumi eqqissisimatitsinerup atorunnaarnissaanut inuit inuunerat, peqqissusaat pigisaallu tunngavilersuutaapput. Tamanna nalunaarummi § 8 malillugu kommunalbestyrelsiniit nakorsaanermiillu Naalakkersuisunut inassuteqarnikkut pisinnaavoq.

Naalakkersuisulli isumaqarput uumasoq suugalugartorluunniit ikilisarnissaa imaluunniit nungusarneqarnissaa pissanngitsoq, soorlu eqqagassanik ajornartorsiuteqarneq aallaavigalugu. Ukiut ingerlaneranni uumasunik taakkuningga ajornartorsiertoqarneranut aaqqiissutaasin-naasunik saqqummiisoqartarsimavoq: piniarnermk killilersuinikkut kiisalu neriniarfiusin-naasunik, soorlu puisit sinnikuunik, umiarsualiveqarfinnut qanittuni aalisakkat sinnikuunik eqqaannakkanik il.il. ikililerinikkut.

Naleqquttumik eqqagassanik passussineq naajaqatigiinnik tulugaqatigiinnillu amerlisaan-nginnissamut aqqutissatsialaavoq. Ukiuunerani timmissat sumiiffit nerisassallit ornik-kusunnerusarpaat, soorlu eqqakkat, nerisassaqarfiillu tamanna killilersorneqartuuppat timmissat allamukarnissaat ilimanarnerulissaq.

Timmissanik tunillaassuussinnaasumik nappaateqartutut pasitsaassanik toqoraanissamut immikkut akuersissut Naalakkersuisunit tunniunneqarsinnaavoq. Timmissat nappaateqartutut pasitsannartoqanngitsut imaluunniit malunnartoqanngitsut toquinnarniarlugit aamma toqora-gassaanngillat. Timmissanik taakkuningga qimaatitsiniartarneq pisaqartarnerlu sivisuumik sunniuteqarsinnaanerannik misilittagaqartoqanngilaq, taamaammallu inassutiginarpoq suliffe-qarfiit nerisassalerisut periutsinik allanik atuissasut. Naalakkersuisut sinnerlugit malugeq-qussavara ullumikkut timmissat teriannissallu ajornartorsiutaasimappata ikilisarneqar-nissaannut periarfissaqareermat. Aammattaaq malugisariaqarpoq uumasunik ajoqutaasunik akiuiniarneq tamatigut kommunip suliassarigaa.

Teriannissat, tulukkat naajallu uumasoqatigii amerlammata nunarujussuarmullu siammar-simallutik, ukioq naallugu nalinginnaasumik piniarneqarnerat uumasoqatigiinnut malunnar-tumik sunniuteqarnissaa qulakkiivillugu oqaatigineqarsinnaanngilaq. Ajornartorsiortiusuni sumiiffinni aalajangersimasuni ajornartorsiut minnerulinnginnissaa navianaateqarpoq. Suli aarlerinaataa uaniippoq nalinginnaasumik sakkortuumillu piniarnerup aqutsinissamik

pilersaarummik pisariaqartitsilersinnaanera tassunga ilaallutik nakkutiginnissamik pilersaarut, uumasoqatigiit sunnerneqartut amerlassutsinut kissaatigineqartunut appartuunnginnissaat anguniarlugu. Taamaattumik Pinngortitaleriffiup kujumissaarutigaa piniarnissamut inerteqqut sumiiffinni aalajangersimasunuinnaq atorunnaarsinneqassasoq, ajornartorsiummik saqqumi-laarfiusuni, assersuutigalugu siunnersuummi marluk taaneqarput: savaateqarfinni aamma Kitsissunnguani. Sumiiffinni killilersimakannersuni Nakkutiginninnissamut pilersaarummik pisariaqartitsisoqarnavianngitsoq Pinngortitaleriffik naliliivoq, taamaallaat *Piniarneq* aqutigalugu pisaniq nalunaaruteqartarnerit eqqortut pisariaqartinneqarput.

Taamatut oqaaseqaateqarlunga innersuussutigaara siunnersuut itigartinneqassasoq.